



Hans Enoksen
Inatsisartunut ilaasortaq
Naleraq
inatsisartut@ina.alla.gl

Qeqertarsuatsiaani, Kangaamiuni, Atammimmi aamma Napasumi ilaasunik angallassineq, qulimiguulinnullu mittarfiliornissat pillugit § 37 naapertorlugu apeqquteqaammut 2024-086-imut akissut

13-05-2024
Sags nr.: 2024-9190
ID nr.: 92165585

Asasara Hans

Inatsisartut suleriaasianni § 37 naapertorlugu Qeqertarsuatsiaani, Kangaamiuni, Atammimmi aamma Napasumi ilaasunik angallassineq, qulimiguulinnullu mittarfiliornissat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Inoqarfinni tamani ilaasunik angallassineq apeqqut 1-imi ataatsimut akineqarpoq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

1. Qeqertarsuatsiaani ilaasunik angallassinermi qanoq naalakkersuisut pilersaaruteqarpat silaannaannakkut ukiukkut helikopterimik angallassinerep aqqissuunneqarnissaanut?

Akissut: Qeqertarsuatsiaat, Kangaamiut, Atammik aamma Napasoq ukiuunerani nalinginnaasumik imaatigut tikinneqarsinnaasarmata, taakkununga qulimiguulimmik angallassisarnissamut massakkut kiffartuussinissamik isumaqatigiissuteqanngilaq. Taamaakkaluortoq ukioq-manna, ukiunilu kingullerni sikuunerata takutippaa, taakkununga pineqartunut angallassiniarneq unammillernartoqarsinnaasoq.

Inoqarfinnut qulimiguulimmik angallassisoqartarnissa pillugu nutaanik isumaqatigiissusiortoqassappat, aningaasanik tunngavissaq pilersinneqaqqaassaaq.

Immikkut illuinnartumik inoqarfiit aamma piffissat ilaanni imaatigut tikinneqarsinnaaneq ajorput. Taamatut pisoqartillugu, piffissami imaatigut angallassisoqarsinnaanngiffiani angalanissaminnut billetsisereersimasut angallanneqarnissaannut, Disko Line qulimiguulimmik attartussalluni pisussaaffeqarpoq.

Taamatut timmisartuussisarnermi *Qulimiguulinnut mittarfinnik nammineq toqqaasarneq pillugu aalajangersakkat* (BL 3-31) aallaavigineqartarput, taamaattumillu timmisartuussinermi mittarfik nammineq toqqagaq atorneqartarluni.

Mittarfik nammineq toqqagaq sumiiffimmi akornuteqanngitsumi ammasumiilluni naammattumik angissuseqassaaq, taamaattumillu mittarfinnik nammineq toqqaanermi arsaattarfik toqqarneqakkajuttarluni. Mittarfiit taakkua nammineq toqqakkat nalinginnaasumik timmisartuussinernut atorneqaqqusaanngillat, taamaallaallu assigiinngitsunik killeqarluni attartorluni timmisartuussinernut atorneqaqqusaallutik, tak. BL 3-31.

Aamma imaappoq, inoqarfinnut taakkununga pineqartunut qulimiguulimmik aalajangersimasumik angallassisoqartalissappat, inoqarfinni taakkunani aallarniutitut qulimiguulinnut mittarfiliortoqassagualarpoq.

Taamaakkaluartoq oqaatigineqassaaq, qimagussuisoqassatillugu imaluunniit ajornartorsiortoqartillugu inoqarfiit taakkua qulimiguulimmik tikinneqarsinnaajuaannarmata.

a) Aammalu Helikopteritut Qeqertarsuatsiaani mittarfiliornissamut Naalackersuisut pilersaaruteqarpaat?

Akissut: Qeqertarsuatsiaani qulimiguulinnut mittarfiliortoqassanersoq Naalackersuisut isummernikuunngillat.

2. Kangaamiunut ukiukkut ilaasunik silaannakut angallassisoqartartalernissaanut Naalackersuisut pilersaaruteqarpaat?

Akissut: Apeqquut 1-imut akissut takuuk.

a) Aammalu nunaqarfimmi helikopteritut mittarfiliornissamut Naalackersuisut pilersaaruteqarpaat?

Akissut: Kangaamiuni qulimiguulinnut mittarfiliortoqassanersoq Naalackersuisut isummernikuunngillat.

3. Atammimmi innuttaasunik ilaasunik ukiukkut silaannakut angallassinissamut helikopterimik aaqqiisoqarnissaanik Naalackersuisut pilersaaruteqarpaat?

Akissut: Apeqquut 1-imut akissut takuuk.

a) Aammalu nunaqarfimmi Atammimmi helikopteritut mittarfiliornissamut naalackersuisut pilersaaruteqarpaat?

Akissut: Atammimmi qulimiguulinnut mittarfiliortoqassanersoq Naalackersuisut isummernikuunngillat.

4. Nunaqarfimmi Napasumi ukiukkut ilaasunik silaannakut angallasinissamut pilersaaruteqarpaat?


Akissut: Apeqquut 1-imut akissut takuuk.

a) Aammalu helikopteritut Napasumi mittarfiliortoqarnissanut Naalakkersuisut pilersaaruteqarpaat?

Akissut: Napasumi qulimiguulinnut mittarfiliortoqassanersoq Naalakkersuisut isummernikuunngillat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen